



**GIMNAZIJA „JEZDIMIR LOVIĆ“
SJENICA**

*U Novom Pazaru, 23.05.2019.godine
Broj: 468-09/2019*

Na osnovu člana 123. stava 8. Zakona o osnovama sistema obrazovanja i vaspitanja, ("Sl. glasnik RS", br. 88/2017 i 27/2018) člana 12. stav 1. tačka 3. Zakona o nacionalnim savetima nacionalnih manjina („Službeni glasnik RS“ br. 72/2009, 20/2014 – odluka US, 55/2014 i 47/2018), i član 16. stav 1. tačka 3. Statuta Bošnjačkog nacionalnog vijeća u Republici Srbiji (RB 54-12/2018, od 08.12.2018.godine), a na osnovu zahtjeva Gimnazije „Jezdimir Lović“, Sjenica (RB 447-17/2019 od 16.05.2019.godine), Izvršni odbor Bošnjačkog nacionalnog vijeća u Republici Srbiji je na sjednici održanoj 23. maja 2019. godine donio odluku o davanju mišljenja na izbor direktora Gimnazije „Jezdimir Lović“, Sjenica.

I

Daje se pozitivno mišljenje na izbor **Suade Saračević**, nastavnika predmetne nastave, na radno mjesto direktora Gimnazije „Jezdimir Lović“, Sjenica.

II

Mišljenje dostaviti Gimnaziji „Jezdimir Lović“, Sjenica.

O B R A Z L O Ž E N J E

Izvršni odbor Bošnjačkog nacionalnog vijeća u Republici Srbiji je razmatrao zahtjev Gimnazije „Jezdimir Lović“, Sjenica (RB 446-17/2019 od 16.05.2019. godine), u kojem je na osnovu člana 123. stav 8. Zakona o osnovama sistema obrazovanja i vaspitanja, traženo mišljenje o kandidatu za radno mjesto direktora škole.

Školski odbor ove škole je raspisao konkurs za izbor direktora škole koji je objavljen u listu „Poslovi“, od 17.04.2019. godine, u trajanju od 15 dana.

Potpunu dokumentaciju uz prijave na konkurs dostavila su dva kandidata:

- Ismo Gicić, nastavnik predmetne nastave, sadašnji direktor škole i
- Suada Saračević, nastavnik predmetne nastave.

Nastavničko vijeće Gimnazije „Jezdimir Lović“, Sjenica je na posebnoj sjednici održanoj 14.05.2019. godine izvršilo tajno izjašnjavanje zaposlenih.

Sjednici Nastavničkog vijeća prisustvovalo je 55 od ukupno 57 zaposlenih. Od 55 lica, koliko je ukupno izašlo na glasanje, za izbor na radno mjesto direktora 28 zaposlenih je glasalo za davanje pozitivnog mišljenja kandidatu Ismu Giciću, a 24 zaposlenih je bilo za kandidata Suadu Saračević.

Školski odbor Gimnazije „Jezdimir Lović“, Sjenica, na sjednici održano 21.5.2019. godine na kojoj je prisustvovalo 8 od 9 članova, većinsku podršku je dao kandidatu Suadi Saračević, 7 glasova, dok je kandidat Ismo Gicić dobio 1 glas.

Školski odbor Gimnazije „Jezdimir Lović“, Sjenica, uz zahtjev za dostavljanje mišljenja Bošnjačkom nacionalnom vijeću u Republici Srbiji, dostavio je izvještaj Komisije o sprovedenom postupku izbora direktora škole, mišljenje Nastavničkog vijeća sa izводом iz glasanja na sjednici Nastavničkog vijeća, biografije i izjave kandidata o namjerama zalaganja za obrazovanje na bosanskom jeziku kao i zapisnik sa sjednice školskog odbora.

Imajući u vidu navedenu izjavu o namjerama za zalaganje za obrazovanje na bosanskom jeziku, Bošnjačko nacionalno vijeće u Republici Srbiji će aktivno pratiti obim i kvalitet realizacije navedene izjave, kao i sam proces izvođenja nastave na bosanskom jeziku kako u pogledu kvaliteta nastave, tako i izjašnjenja roditelja učenika o jeziku nastave, te će u skladu sa utvrđenim činjenicama i nalazima preduzeti zakonom propisane mjere.

U skladu sa članom 123. stav 8. Zakona o osnovama sistema obrazovanja i vaspitanja: “U ustanovi u kojoj se obrazovno-vaspitni rad izvodi i na jeziku nacionalne manjine, organ upravljanja pribavlja mišljenje odgovarajućeg nacionalnog saveta nacionalne manjine.“, Izvršni odbor Bošnjačkog nacionalnog vijeća u Republici Srbiji je donio odluku o davanju pozitivnog mišljenja na izbor **Suade Saračević** na radno mjesto direktora Gimnazije „Jezdimir Lović“, Sjenica.

IZVRŠNI ODBOR VIJEĆA

